

INUIT ATAQATIGIIT INATSIARTUNI



UKA2025/106

8. oktobari 2025

Iddimanngiiu Bianco

Avanersuarmi inuussutissarsiutinik inerisaanissamut siunertalimmik periusissiorinissamut, ilaatigut qaammarsaassutinik pikkorissaanernillu imaqartussamik UKA2026-mut suliaqaqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Lars Poulsen, Siumut)

Oqaaseqaat.

Inuit Ataqatigiinni isumaqarpugut inuussutissarsiornermi siuarsaanerit pisariaqartuartut, piffinnut tulluarsakkamik aamma suliniuteqartoqartillugu soqutiginarpuq nunarput isorartoqimmat periarfissallu assigiinneqalutik.

Nunatut siuariartornerput malitseqassaaq immitsinnut napatinniarnermik suliniutinik. Ilaatigullu aallartisaaneq pingaaruteqarluinnartut ilagaat. Aallartisaanermilu siunnersorneqarnissaq pingaarluinnartut ilagaat.

Ilaannilu avingarusimasuulluta tamakkunatigut amigaateqartarnerput takornartaanngilaq, nammineerluta pisinnaatitaaffitsinnik anngussisoqartarnera qaqutigoomat. Taamaalluta avinngarusimasuniittuulluta periarfissat tamatigut ilisimasannginneri pisinnaasarlutik.

Inuit Ataqatigiiniit isumaqarluinnarpugut nunatsinni sumiikkaluaruttaluunniit periarfissaqassasugut siuarsaanissamut aallussinissatsinnut, aalisarnikkut piniarnikkut, takornariaqarnikkut allatigulluunniit inuussutissarsiutitigut inerisaanikkut. Piffiillu tamakkerlugit taamaaliorutta nunarput naligiinnerusumik ineriartortinnissaa angusinnaagipput upperaaput. Tamattami pisariaqartinneqarluta misiginissarput pingaaruteqarluinnartut ilagaat.

Nalunngilarput Avanersuarmi aamma periarfissaqarluartut inuussutissarsiornikkut siursaaqataanissaminut, aallartisaanermilu atorfissaqartitsippata saaffissaqartuaannarput. Tamakkulu suliniutit qangaaniilli aallartissimasut qiviarusunnarput.

INUIT ATAQATIGIIT INATSIARTUNI



Nunarput tamakkerlugu Nalik Venture suliaqarpoq aallartisaanermut
siunnersuisutut, Avannaata Kommunea inuussutissarsiornermut
siunnersorteqarpoq, uanilu siunnersuummi Inuit Ataqatigiinniit pingaartipparput
tamakku suliat aamma isiginiarneqassasut.

Siunnersuutip iluatinnaqutigivaa aamma piffinni avinngarusimasuni
atorfissaqartinneqartut aallunneqarnissai, taamaattumik eqqaariikkat
tunngavigalugit inuussutissarsiornermut ataatsimiitsitaliamut
ingerlanneqarnissaa Inuit Ataqatigiinniit innersuussutigaarput.